

LELEME LA GAE MPHATO WA 2

Leru Leruarua, o a phološa



SEPEDI



Puku ya

3



Go bala ka sehlopha ga go hlahlwa

Pele o bala

- Phetlolla matlakala a kanegelo yeo ba tliego go e bala. Boledišanang ka ga diswantšho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantšho.
- Hlagiša mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagiša tloltontšu ye mpsha (lebelela lenaneo ia tloltontšu ye mpsha kua bokagareng bja letlakala la mafelelo la khabara.

Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo yo mongwe le yo mongwe gore a balele karolo ye nngwe ya sengwalwa godimo

Ditherišano

- Botšiša dipotšišo tša tekatlhao loganyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tloltontšu.
- E re barutwana ba ngwale mešongwana ya dihllopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)

E re barutwana ba diragatše diteng
tša sengwalwa ge go kgonega.




Barutwana ba swanetše go dira mešongwana ye e theilwego godimo ga go bala ka dihllopha ka morago ga ge ba badile. E re barutwana ba šome ka dihllopha go ngwala mešongwana ya maleba ya go bala ka dihllopha yeo e lego kua mafelelong a puku. Ba se ke ba ngwala ka pukung ye. Mešongwana ya go ngwalwa e swanetše go ngwalwa ka dipukung tša bona tša go ngwalela.

Leru Leruarua, o a phološa




Kgalekgale, ba lapa la Hlapimetlae,
mme, tate le bana ba bona ba
bannyane ba bararo, ba be ba
dula dithabaneng tša ka tlasetlase,
mawatleng a matalalerata.



Ka dinako tša ka meriti, ge sekolo se tšwile, bana ba be ba thuša batswadi ba bona ka gae, dithabaneng tša matšoba.

Ge bana ba feditše go hlwekiša, ba be ba dira mešomo ya bona ya gae, ka morago ba bapala, ba dikologa dithabana tša matšoba.



Ba lapa la Hlapimetlae ba be ba
thabile kudu ge ba dula ka lewatle.
Ba be ba hwetša tše ntši tša go ja
mo dithabaneng, gape, ba be ba
dula ba bolokegile.

Go fihla ge ka letšatši le lengwe ...



... ge ba lapa la Hlapimetlae ba
ekwa motho a goelela ka maatla.

"Thušang! Thušang! Thušang!"

"Ke mang yo a goelelago ka tsela
ye?"

Mohumagadi Hlapimetlae a
botšiša.

"Ke a makala gore go diragala
eng?"

Morena Hlapimetlae a ipotšiša.


"Re tšhogile!" gwa lla dihlapi tše
tharo tše nnyane.

Thušang!




Gona mowe go diragetše kotsi.
Ba bone Senatla Sebatahlapi se
lelekiša Hlapa Hlapimorongwa.

Hlapa Hlapimorongwa wa batho o
be a tšhogile moo a ilego a thutha
a sobelela, a eya boteng bja lewatle
moo go išago, gore a tloge moo go
lego Senatla Sebatahlapi.




Ba lapa la Hlapimetlae ba ile ba
kgobokana, ba nagana.
Na ba ka phološa bjang Hlapa
Hlapimorongwa?

Ba be ba tseba gore ke hlapi e tee
fela yeo e sa tšhabego Senatla
Sebatahlapi.





Morena Hlapimetlae o ile a founela
Leru Leruarua.

"Thuša! Leru, thuša! Senatla
Sebatahlapi o nyaka go ja Hlapa
Hlapimorongwa.
O tloga a le kotsing ye kgolo."



Leru Leruarua, o tsene
meetseng a thutha, a ya ga
gabo Hlapimetlae.

"E reng ke thuše Hlapa
Hlapimorongwa," gwa realo Leru
Leruarua. "Ke yo mogolo, ke
bile ke tiile, gape, ga ke tšabe
Senatla Sebatahlapi."




Ka go mo fopha le ka go mo tšubutla
ka mosela wa gagwe, Lelu Leruarua o
bethile Senatla Sebatahlapi ka go mo
kgorometša le ka go mo setla. Bophelo
bja Hlapa Hlapimorongwa bo ile bja
phološwa.

Hlapa Hlapimorongwa o ile a leboga ba
lapa la Hlapimetlae, gomme a thutha
a tloga ka lebelo leo a ka le kgonago, a
eya gae - kgole, kgole kudu le Senatla
Sebatahlapi.

"Lelu Leruarua, o phološitše
Hlapimorongwa maemong a mabe!"
gwa goelela ba lapa
la Hlapirametlae.

Segwera se amana le go
tshepana le go thušana!






sebatahlapi



tolfeine




khudu



setšhontšho sa
dihlapi



perelewatle



hlapimorongwa

leruarua

Leruarua le Letalalerata ke phoofolo ya go feta diphoofolo ka moka ka bogolo, lefaseng ka bophara.



Maruarua ke diphoofolo, gomme di hemela moyabjale ka ge le rena re dira.

hlapikotse




hlapitšeli



hlapimetlae



hlapinaledi



Mešongwana ya go bala ka dihlopha




1

- a. Botša mogwera wa gago ge eba o ipshinne ka kanegelo ye. Efa lebaka la karabo ya gago.
- b. Na o nagana gore go ka be go diregile eng ge Lelu Leruarua a ka be a se a arab a founu ya gagwe?
- c. Hlama mafelo a maswa a kanegelo ye.



2

Lebelela diswantšho tše tše pedi. Nagana ka ga dipotšiso tše di latelago gomme o boledišane le mogwera wa gago ka ga dikarabo tša gago.



- a. Ke eng seo se swanago mo diswantšhong tše tše pedi?
- b. Phapano ke eng mo diswantšhong tše?
- c. Lebelela seswantšho sa mathomo. Na o nagana gore ba lapa la Hlapimetlae ba ikwa ka tsela ye? Na o kile wa ikwa ka tsela yeo?
- d. Lebelela seswantšho sa bobedi. Bjale, o nagana gore ba ikwa bjang? O nagana gore ke ka lebaka la eng ba ikwa bjalo? Naa o kile wa ikwa ka tsela yeo?
- e. Ge o ka be o le hlapi, o ka be o ikwa bjang ge ba lapa la geno ba kile ba hlaselwa ke sebatahlapi?



3

Ngwala mošongwana wo ka pukung ya gago ya go ngwalela.

- a. Hwetša mantšu ao a nago le mathomo a medumo ye e latelago ka mo kanegelong, gomme o a ngwale.

kg

hl

ph

- b. Hwetša mantšu ao a nago le medumo ye e latelago ka mo kanegelong, gomme o a ngwale.

ae

oo

ou

ee

ei

aa

- c. Hwetša mantšu ka mo kanegelong, ao a nago le modumo wo 'f' gomme o a ngwale.

- d. Ngwala mantšu a ka pukuntšung ya gago.

bagwera

hlapi

leruarua

sebatahlapi

- e. Feleletša mafoko a, o šomiša matlema.

Ba thuthile _____ lewatle.

Dihlapi di be di tšhogile _____ lebaka la go boifa
Sebatahlapi.

- f. Ngwalolla mafoko a, ka lebaka la lebjale:

Leru Leruarua o thuthile a leba thwi mo go lego
Hlapirametlae.

Ba kwele motho a goelela.

- g. Ngwalolla mafoko a, o be
o ngwale maswaodikga a,
mafelong a maleba.



leru leruarua o thuthile a ya mo go lego hlapimetlae

thuša leri leruarua thuša

ke ka lebaka la eng Hlapa Hlapimorongwa a be a
tšhogile



4

Bala dipotšišo tše gomme o botše mogwera wa gago
dikarabo.

- Efa leina la kanegelo ye.
- Baanegwathwadi ke bomang mo kanegelong?
- Naa kanegelo e diragala kae?
- Naa ba lapa la Hlapimetlae ba ile ba lebana le kotsi ya mohuta mang?
- Bolela kanegelo ka mantšu a gago.
Ngwala mafoko a 4 goba a 5.
- Thala seswantšho sa go lebana le lefoko
le lengwe le le lengwe, seo se bolelwago
ke temana ya gago.



5 Akanya o le Hlapa
Hlapimorongwa.

Ngwala molaetša wo mokopana o o
romele Leru Leruarua, o mo leboge
ge a phološitše bophelo bja gago.



LELEME LA GAE MPHATO WA 2



Puku ya 3

Hlogo:	Leru Leruarua, o a phološa
Leleme:	Sepedi
Kgato ya:	Puku ya go bala Mphato wa 2 Kgato ya 3 Puku ya 3
Mohuta wa sengwalwa:	Kanegelo
Mantšu a tlwaelo:	balapa, phetše, mathapama, bona, kwele, mmogo, tsebile, boifa, kgona,
Tlotlontšu:	hlapimetlae, thabana, kotsi, goelela, tšhogile, sebatahlapi, hlapimorongwa, tšhošitše, dikgapetla
Medumo:	hl, th, tlw, kg, aa, ee, ae, ou, oo
Diteng, mareo le mabokgoni:	<ul style="list-style-type: none">▪ Go ntšha maikutlo ka ga kanegelo gomme a fa lebaka.▪ Go hlama mafelelo a maswa a kanegelo.▪ Go laetša go swana le go fapano ga maikutlo.▪ Go ngwala mantšu ka go pukutšatši ya gago.▪ Go ngwala matlema.▪ Go ngwalolla mafoko ka lebaka la lebjale.▪ Go šomiša maswaodikga ka tsela ya maleba.▪ Go arabalipotšišo tše di theilwego godimo ga kanegelo.▪ Go ngwala molaetša wo mokopana/ SMS wa go leboga.

SEPHOLEKE (CAPS) se nyaka gore barutiši ba bee nako ka thoko letšatši ka letšatši go bala ka sehlopha se se itšego sa go hlahlwa.

Go bala ka sehlopha sa go hlahlwa go nyaka gore barutwana bao ba lego maemong a go lekana ka go bala ba bale sengwalwa sa go swana, ka dihlopha ka tlhahlo ya morutiši.

Morutiši o swanetše go beakanya paka ya go bala gore e akaretše mekgwana ya go bala go ya ka go bala ka go bona mantšu le difoneme le ya kwešišo yeo barutwana ba tla e hlokago ge ba bala.


Gape mekgwana ye ya go bala e nyaka gore go be "go bolelwa ka sengwalwa" magare ga morutiši le bana gape le magare ga barutwana mo sehlopheng.

Dipuku tše di akaretša 'go bolela ka sengwalwa' tekatlhao loganyo le mešongwana ye mengwe ya go thuša barutiši gore ba kgone go hlahlha go bala ka sehlopha ka diphapošing tše bona.

ISBN 978-1-4315-2505-8



9 781431 525058



ISBN 978-1-4315-2505-8

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

**Dipuku tše dingwe tše
Leleme la gae tše Mphato
wa 2. Rakeng ya dipuku:**



**Boati o hwetša bagwera
ba baswa**

Bophelo bjo boima

**Ka fao pitsi e hweditšego
mebala ya yona**

Jerry o rata go bala



**Bubu, ngwana wa tlou
o a timela**

Bagwera ba direlana bjalo

Lepidibitšana la go befa



**Paesekela ye mpsha
ya Mogorosi**

Diphooftolo di etela lewatle

Leru Leruarua, o a pholosa